


Broj :01/IV-I-06-1-5028-2/23  
 Sarajevo , 18.12.2023.godine

**PARLAMENT FEDERACIJE  
 PREDSTAVNIČKI / ZASTUPNIČKI DOM**  
 Tajnik /Sekretar

**Hamdije Kreševljakovića br. 3.  
 71 000 Sarajevo**



**PREDMET:** *Odgovor na zastupničku inicijativu koju je podnijela zastupnica Kenela Zuko, dostavlja se*

**Veza:** *Vaš Akt broj:05/1-02-504/23 od 04.12.2023.godine*

Poštovani,

*U vezi Vašeg Akta broj i datum gornji (zaprimljenog dana 06.12.2023.godine) odnosno zastupničke „inicijative koju podnijela zastupnica Kenela Zuko na 7.redovnoj sjednici zastupničkog doma Parlamenta Federacije BiH održanoj 28.11.2023.godine", a koja se tiče biomedicinski potpomognute oplodnje, u prilogu ovog akta se dostavlja Odgovor na podnesenu inicijativu.*

S poštovanjem,

Priloga(1)

Dostaviti (1) Naslovu

2. Vlada Federacije BiH  
 Hamdije Čemerlića br.2  
 71000 Sarajevo  
 Tajnik Vlade

(Veza: Vaš broj:03-04-1406-24/23  
 od 06.12.2023.g) C.O.

3.Federalno ministarstvo zdravstva C.O.  
 4.a/a



DIREKTOR

*izv. prof. dr. sc. Vlatka Martinović, dr.med.*







*Broj : 01/IV-I-06-1-5028-1/23*  
*Sarajevo , 18.12.2023.godine*

**ODGOVOR**

***NA ZASTUPNIČKU INICIJATIVU KOJU JE PODNIJELA KENELA ZUKO,  
ZASTUPNICA ZASTUPNIČKOG DOMA PARLAMENTA FEDERACIJE BOSNE I  
HERCEGOVINE***

*Sarajevo, decembar 2023. godine*

Adresa: Trg Heroja 14, Sarajevo  
Telefon: +387 33 728 700  
Fax: +387 33 655 856  
E-mail: zavod@zzofbih.ba  
Web: www.zzofbih.ba  
JIB: 4200642000008

UNION BANKA Sarajevo

Depozitni račun, KM: 102 05 000 000 64018  
Glavni transakcijski račun, KM: 102 05 000 000 70808  
Transakcijski račun, KM: 102 05 000 000 88753  
Transakcijski račun, KM: 102 05 000 000 26964  
Transakcijski račun, EUR: 102 05 000 000 70808  
IBAN CODE: BA39 102 05 000 000 70808





*Zastupnica Kenela Zuko postavila je na 7.redovitoj sjednici zastupničkog doma Parlamenta Federacije BiH održanoj 28.11.2023.godine, podnijela je Inicijativu sa odgovarajućim obrazloženjem, koja se tiče biomedicinski potpomognute oplodnje, a koja, glasi:*

#### „INICIJATIVA

Obzirom da je u Budžetu Federacije BiH planirano 10 miliona KM za biomedicinski potpomognutu oplodnju i to je trenutno u procesu utroška istih, pokrećem inicijativu o obustavi trošenja novca građana Federacije BiH jer iz relevantnih izvora imaam informaciju da korisnici datih sredstava (nemaju) nisu u mogućnosti da koriste data sredstva u svrhu za koju su namijenjena. Ako postoje druge činjenice također molim nadležne da mi ih dostave.

#### **Obrazloženje**

Obzirom da je od 01.01.2023.godine biomedicinski potpomognuta oplodnja prešla u nadležnost Zavoda za zdravstveno osiguranje i reosiguranje Federacije BiH, isti je ponudio neprihvatljive uslove za sve klinike koje se ozbiljno bave ovom problematikom. Vrlo nerealan je očekivati da se pacijenticama ograničava izbor klinike u kojoj će raditi biomedicinski potpomognutu oplodnju, a klinike koje po statističkim pokazateljima imaju visok procenat uspješnosti transfera embriona u datom procesu biomedicinski potpomognute oplodnje. Prije nego je Zavod za zdravstveno osiguranje i reosiguranje Federacije BiH preuzeo utrošak 10 miliona KM za proces biomedicinski potpomognute oplodnje, na primjer u Kantonu Sarajevo, tj. Kantonalnom zavodu zdravstvenog osiguranja Sarajevo je bilo najbitnije da se dobije saglasnost nadležne Komisije da žena može pristupiti procesu biomedicinski potpomognute oplodnje, a novčani iznos je bio fiksiran. Sada je Zavod za zdravstveno osiguranje i reosiguranje Federacije BiH ponudio svim klinikama uslove koji su znatno ispod svakog nivoa stvarnih potreba, te su uspješne klinike odustale od sklapanja ugovora sa Zavodom.

Na ime sveg navedenog, predlažem nadležnom ministarstvu i Zavodu zdravstvenog osiguranja i reosiguranja Federacije BiH da ponište kriterije/smjernice za raspodjelu budžetskih sredstava i daju mogućnost svakoj korisnici na njeno PRAVO da izaberu kliniku u kojoj će raditi biomedicinski potpomognutu oplodnju, pa i u okolnostima da jedan dio i one same finansiraju da se zadovolji SVRHA biomedicinski potpomognute oplodnje, a samim tim i utroška sredstava budžetskih korisnika.

Naglašavam da sa trenutnim utroškom sredstava gdje se pacijenticama onemogućava izbor klinike za biomedicinski potpomognutu oplodnju, a one već imaju pohranjene embrione u klinikama koje nemaju ugovor sa Zavodom, a imaju pravo na refundaciju, daje prilika za tužbe, što je dodatni udar na budžet Federacije BiH."

*Na ,gore navedenu, Inicijativu Zastupnice Kenele Zuko podnijetu na 7.redovitoj sjednici zastupničkog doma Parlamenta Federacije BiH, daje se sljedeći:*

#### ODGOVOR

#### I

*Prije svega se napominje da je Zakon o liječenju neplodnost biomedicinski potpomognutom oplodnjom („Službene novine Federacije BiH“, br.59/18 i 44/22), odnosno njegove osnovne odredbe (59/18) stupio/stupile na snagu 04.08.2018.godine, a Izmjene i dopune navedenog zakona (44/22), koje se odnose, između ostalog i na finansiranje BMPO sredstvima transfera Vlade FBiH za finansiranje BMPO, koja se doznavačavaju Zavodu zdravstvenog osiguranja i reosiguranja Federacije BiH, stupile na snagu 09.06.2022.godine i počele se primjenjivati od 01.01.2023.godine. Navedena*



sredstva transfera se vode knjigovodstveno i materijalno odvojeno od sredstava federalnog fonda solidarnosti.

Odluka o usvajanju programa utroška sredstava sa kriterijima raspodjele sredstava „Tekući transfer drugim nivoima vlasti i fondovima - transfer za biomedicinski potpomognutu oplodnju) utvrđenih Proračunom Federacije Bosne i Hercegovine za 2023. godinu Federalnom ministarstvu zdravstva („Službene novine Federacije BiH“, broj:24/23) stupila je na snagu dana 06.04.2023. godine.

Pravilnik o obimu prava na biomedicinski potpomognutu oplodnju iz sredstava budžeta Federacije Bosne i Hercegovine, način formiranja cijene pojedinačnih postupaka biomedicinski potpomognute oplodnje, kriteriji i načini ugovaranja, kao i druga pitanja od značaja za provođenje biomedicinski potpomognute oplodnje („Službene novine Federacije BiH“, br.4/23 i 26/23) koji je donio Federalni ministar zdravstva, odnosno njegove osnovne odredbe (4/23) stupio/stupile su na snagu 28.01.2023. godine, a Izmjene i dopune navedenog pravilnika(26/23), stupile su na snagu 08.04.2023. godine .

Povjerenstvo Federalnog ministarstva zdravstva za primjenu postupaka biomedicinski potpomognute oplodnje donijelo je svoju Odluku o vrsti generičkih lijekova za stimulaciju ovulacije koji se koriste u biomedicinski potpomognutoj oplodnji broj:02-33-0595-17-1/23 od 01.02.2023. godine i ista je objavljena na Internet stranicama Federalnog ministarstva zdravstva i Zavoda zdravstvenog osiguranja i reosiguranja Federacije BiH.

Saglasno članu 18. Zakona o liječenju neplodnost biomedicinski potpomognutom oplodnjom Federalno Ministarstvo zdravstva vodi jedinstveni registar svih ovlaštenih ustanova na teritoriji Federacije BiH koje imaju dozvolu za rad izdanu od Federalnog ministra te se navedeni podaci koji se redovno ažuriraju objavljuju i objavljeni su na web stranici Federalnog ministarstva zdravstva..

## II

Saglasno gore navedenim aktima iz tačke I, a koje su donijeli Parlament BiH, Vlada Federacije BiH i Federalno ministarstvo zdravstva odnosno njegove komisije/povjerenstva, Zavod zdravstvenog osiguranja i reosiguranja Federacije BiH, u okviru propisanih nadležnosti, je:

- donio Uputstvo o radu komisije za izdavanje pojedinačnih saglasnosti za obavljanje biomedicinski potpomognute oplodnje broj:01/III-03-5-21626-1/23 od 08.05.2023. godine;
- donio Uputstvo za fakturisanje zdravstvenih usluga biomedicinski potpomognute oplodnje u ugovornim zdravstvenim ustanovama u Federaciji BiH broj:01/V-07-1-2597-1/23 od 06.06.2023. godine;
- donio Odluku o finansiranju/sufinansiranju troškova lijekova za stimulaciju ovulacije broj:02/I-01-1-2877/23 od 26.06.2023. godine te donosio i donosi odgovarajuća rješenja saglasno odredbama odluke, a postupajući po zahtjevima o finansiranju/sufinansiranju troškova lijekova za stimulaciju ovulacije ;
- imenovao komisije za izdavanje pojedinačnih saglasnosti za obavljanje biomedicinski potpomognute oplodnje Zavoda zdravstvenog osiguranja i reosiguranja FBiH i iste održavaju sjednice na kojima se izdaju pojedinačne saglasnosti za obavljanje biomedicinski potpomognute oplodnje;
- proveo i okončao postupak javne nabavke pokrenut OBAVJEŠTENJEM O NABAVCI USLUGE IZ ANEKSA II 804-9-2-1-22-29/23 od 17.04.2023. godine te i zaključio ugovore sa ovlaštenim ustanovama na teritoriji Federacije BiH koje imaju dozvolu za rad izdanu od Federalnog ministra zdravstva .
- Propisi ,kao i ostale informacije odnosno obavijesti vezane za postupak BMPO te i e-mail adresa na koju se mogu dobiti informacije o programu biomedicinski potpomognute oplodnje, su transparentno i javno objavljene u Službenom glasniku Federacije BiH te i na Internet odnosno web stranicama Federalnog ministarstva zdravstva te i Zavoda zdravstvenog osiguranja i reosiguranja Federacije BiH.



- U vezi zahtjeva za nadoknadu troškova liječenja iz sredstava budžeta Federacije BiH, za podnosioca zahtjeva koji su liječeni biomedicinski potpomognutom oplodnjom bez saglasnosti Komisije za BMPO Federalnog zavoda, a koji je vezan za primjenu člana 11a. (Pravo na nadoknadu troškova liječenja) Pravilnika o obimu prava na biomedicinski potpomognutu oplodnju, ovaj Zavod je interesu podnosioca zahtjeva da se njihovi zahtjevi ne bi odbili kao neosnovani, prema Federalnom ministarstvu zdravstva, od strane ovog Zavoda uputio dopis- Molba za instrukciju za postupanje Akt broj:01/BMPO-3399-1/23 od 01.08.2023.godine, zatim ponovno uputio dopis - Inicijativu/prijedlog za izmjene i dopune Pravilnika o biomedicinski potpomognutoj oplodnji Akt broj: 01/BMPO-3399-2/23 od 15.11.2023.godine te i uz svoj dopis Akt broj: 01/BMPO-3399-3/23 od 20.11.2023.godine dostavio tekst Prijedlog Pravilnika o izmjenama i dopunama Pravilnika o obimu prava na biomedicinski potpomognutu.

### III

*U vezi zdravstvenih ustanova u Federaciji BiH (ovlaštenih zdravstvenih ustanova) koje su verifikovane odnosno imaju dozvolu za rad za pružanje predmetnih zdravstvenih usluga odnosno usluga liječenja neplodnost biomedicinski potpomognutom oplodnjom tj. provođenja pojedinačnih postupaka biomedicinski potpomognute oplodnje, napominje se sljedeće.*

*Zakonom o liječenju neplodnosti biomedicinski potpomognutom oplodnjom („Službene novine Federacije BiH”, br.59/18 i 44/22) i to članom 9. stav (2) precizirano je da bliže uslove u prostora, medicinsko-tehničke opreme i sistema kvalitete koje moraju ispunjavati zdravstvene ustanove za provođenje postupka biomedicinski potpomognute oplodnje, kao i postupak verifikacije posebnim propisom uređuje federalni ministar.*

*Takođe Zakonom o liječenju neplodnosti biomedicinski potpomognutom oplodnjom i to članom 12. precizirano je, između ostalog, da Federalni ministar zdravstva donosi rješenje kojim se utvrđuje ispunjenost uslova, prostora, opreme i kadra za provođenje pojedinačnih postupaka biomedicinski potpomognute oplodnje i izdaje dozvolu za rad za zdravstvenu ustanovu.*

*Zakonom o liječenju neplodnosti biomedicinski potpomognutom oplodnjom i to članom 18. precizirano je između ostalog da Federalno ministarstvo zdravstva vodi jedinstveni registar svih ovlaštenih zdravstvenih ustanova na teritoriji Federacije, koje imaju dozvolu za rad izdanu od federalnog ministra zdravstva u skladu sa ovim zakonom i propisima donesenim na osnovu ovog zakona.*

*Pravilnikom o obimu prava na biomedicinsku potpomognutu oplodnju iz sredstava Budžeta Federacije Bosne i Hercegovine, način formiranja cijene pojedinačnih postupaka biomedicinski potpomognute oplodnje, kriteriji i način ugovaranja, kao i druga pitanja od značaja za provođenje biomedicinski potpomognute oplodnje („Službene novine Federacije BiH”, br.4/23 i 26/23 - u daljem tekstu: Pravilnik o obimu prava na biomedicinsku potpomognutu oplodnju) i to članom 5. stav (1) precizirano je, između ostalog, da na osnovu izdate saglasnosti Federalnog zavoda bračni odnosno vanbračni parovi ostvaruju pravo na postupak BMPO u zdravstvenoj ustanovi koja ima važeće rješenje Federalnog ministarstva zdravstva na području Federacije BiH (ovlaštena zdravstvena ustanova) u skladu sa Zakonom i s kojom Zavod ima sklopljen ugovor za pružanje usluga BMPO, a stavom (2) je precizirano da bračni odnosno vanbračni parovi imaju pravo izbora ovlaštene ugovorne zdravstvene ustanove za obavljanje BMPO, a prema listi ovlaštenih ugovornih zdravstvenih ustanova koja se objavljuje na internet stranici Federalnog zavoda, o čemu prilažu izjavu koja čini sastavni dio obavezne dokumentacije iz člana 2. ovog Pravilnika.*



Takođe Pravilnikom o obimu prava na biomedicinsku potpomognutu oplodnju i to članom 11.stav (2) precizirano je da se „Lista ovlaštenih zdravstvenih ustanova za BMPO za svaku fiskalnu godinu objavljuje na internet stranici Federalnog zavoda.“

Odlukom o usvajanju programa utroška sredstava sa kriterijima raspodjele sredstava „Tekući transfer drugim nivoima vlasti i fondovima - transfer za biomedicinsku potpomognutu oplodnju)utvrđenih Proračunom Federacije Bosne i Hercegovineza 2023.godinu Federalnom ministarstvu zdravstva („Službene novine Federacije BiH“ , broj:24/23) i to tačkom II pod „(korisnici sredstava“) je precizirano „Zdravstvene ustanove u Federaciji BiH sa kojima će se zaključiti ugovori za 2023.godinu“.

U vezi odredbi Zakona o javnim nabavkama (“Službeni glasnik BiH”, br. 39/14 i 59/22)treba napomenuti da zdravstvene usluge te i zdravstvena usluga liječenja neplodnost biomedicinski potpomognutom oplodnjom tj. provođenje pojedinačnih postupaka biomedicinski potpomognute oplodnje, nisu izuzete od primjene Zakona o javnim nabavkama nego se u skladu sa članom 8. Zakona o javnim nabavkama i u skladu sa odredbama Pravilnika o postupku dodjele ugovora o uslugama iz Aneksa II. Zakona o javnim nabavkama (“Službeni glasnik BiH”, broj: 02/23),za dodjelu ugovora koje za predmet javne nabavke imaju usluge iz Aneksa II Zakona o javnim nabavkama koje su pod „Opisom“ - zdravstvene usluge, primjenjuju se odredbe Zakona o javnim nabavkama i podzakonskih akata donesenih na osnovu ovog zakona..

#### IV

Kao što je i navedeno u tački II ovog Akta , a saglasno propisima navedenim u tač.I i II ovog akta proveden je i okončan od strane ovog Zavoda postupak javne nabavke pokrenut OBAVJEŠTENJEM O NABAVCI USLUGE IZ ANEKSA II 804-9-2-1-22-29/23 od 17.04.2023. godine te i zaključeni ugovori sa ovlaštenim ustanovama na teritoriji Federacije BiH koje imaju dozvolu za rad izdanu od Federalnog ministra zdravstva.

U provedenom i okončanom postupku javne nabavke treba napomenuti i da je javni poziv za nabavku zdravstvenih usluga te i predmetnih zdravstvenih usluga BMPO saglasno pozitivnim propisima dostavljen, pojedinačno svim privrednim subjektima – dobavljačima/ponuđačima odnosno zdravstvenim ustanovama u Federaciji BiH koje su verifikovane za pružanje predmetnih zdravstvenih usluga te i usluga BMPO (ukupno 9 ustanova - BMPO), a takođe sa obavještenjem o nabavci, objavljen i na portalu javnih nabavki.

Odlukom o izboru napovoljnijeg ponuđača, ugovori su dodjeljeni kvalifikovani ponuđačima čija je prihvatljiva ponuda ocijenjena kao najpovoljnija odnosno u kojoj su ponuđene cijene/iznos koje s obzirom na osigurana sredstva za predmetnu nabavku, prihvatljive za ovaj ugovorni organ odnosno dobavljačima/ponuđačima odnosno zdravstvenim ustanovama u Federaciji BiH koje su verifikovane za pružanje usluga BMPO (ukupno 7 ustanova – BMPO) te su ovi ugovori i zaključeni.Napominje se i da od 9 pozvanih zdravstvenih ustanova koje su verifikovane za pružanje usluga BMPO,a koje su preuzele tendersku dokumentaciju 2 zdravstvene ustanove koje su verifikovane za pružanje usluga BMPO nisu dostavile ponude te sa istim, podrazumjeva se, nisu ni mogli biti zaključeni ugovori.

#### V

U odnosu na navode iz predmetne „Inicijative“ očitujemo se da gore navedeni propisi navedeni u tački III ovog akta, ne „poznaju“ termine navedene u inicijativi kao što su „klinike koje se ozbiljno bave ovom problematikom“ „ klinike koje po statističkim pokazateljima



imaju visok procenat uspješnosti transfera embriona u datom procesu biomedicinski potpomognute oplodnje" termine „uspješne klinike" nego , kako je i ranije navedeno i propisano „ovlaštenu zdravstvenu ustanovu na teritoriji Federacije ,koja ima dozvolu za rad izdanu od federalnog ministra zdravstva", „zdravstvenu ustanovu koja ima važeće rješenje Federalnog ministarstva zdravstva (ovlaštena zdravstvena ustanova) na području Federacije BiH u skladu sa Zakonom i s kojom Zavod ima sklopljen ugovor za pružanje usluga BMPO " „lista ovlaštenih ugovornih zdravstvenih ustanova koja se objavljuje na internet stranici Federalnog zavoda" i dr., a koji su korišteni kao jedan od uslova za zaključivanje ugovora sa zdravstvenim ustanovama tokom provođenja javne nabavke i tokom provođenja postupaka BMPO.

*U odnosu na navode iz predmetne „Inicijative" da podnosioc inicijative ima „informaciju da korisnici datih sredstava (nemaju) nisu u mogućnosti da koriste data sredstva u svrhu za koju su namijenjena. Ako postoje druge činjenice također molim nadležne da mi ih dostave" daje se očitovanje odnosno iznose „druge" činjenice kako slijedi.*

*Kao što se vidi iz detaljno navedenih činjenica/informacija navedenih u prethodnim tačkama ovaj Zavod je maksimalno u okviru svojih ljudskih i prostornih resursa poduzimao radnje vezane za implementaciju BMPO te je kako je ranije navedeno donosio gore navedena uputstva , odluke, imenovao komisije za izdavanje pojedinačnih saglasnosti za obavljanje biomedicinski potpomognute oplodnje Zavoda zdravstvenog osiguranja i reosiguranja FBiH koje su i izdavale predmetne saglasnosti, proveo i okončao predmetni postupak javne nabavke, donio Odluku o finansiranju/sufinansiranju troškova lijekova za stimulaciju te donosio i donosi odgovarajuća rješenja saglasno odredbama ove odluke te na web stranici Zavoda objavljuvao „INFORMACIJE I DOKUMENTE" vezane za BMPO. Dalje, a što je i navedeno u tački II ovog akta, saglasno odredbama Odluke o finansiranju/sufinansiranju troškova lijekova za stimulaciju ovulacije broj:02/I-01-1-2877/23 od 26.06.2023.godine Zavod je donosio i donosi odgovarajuća rješenja saglasno odredbama odluke,a postupajući po zahtjevima o finansiranju/sufinansiranju troškova lijekova za stimulaciju ovulacije , a komisije za izdavanje pojedinačnih saglasnosti za obavljanje biomedicinski potpomognute oplodnje Zavoda zdravstvenog osiguranja i reosiguranja FBiH na svojim sjednicama izdaju pojedinačne saglasnosti za obavljanje biomedicinski potpomognute oplodnje pri čemu je, do 30.11.2023.godine, Komisija za BMPO sa sjedištem u Sarajevu izdala 174 suglasnosti;Komisija za BMPO sa sjedištem u Tuzli izdala 42 saglasnosti i Komisija za BMPO sa sjedištem u Mostaru izdala 47 saglasnosti, što ukupno iznosi 263 saglasnosti. Takođe je, kak,o je detaljnije navedeno u tački IV ovog akta, ovaj Zavod proveo i okončao postupak javne nabavke za pružanje usluga BMPO*

*U odnosu na navode iz predmetne „Inicijative" da je ovaj Zavod „ponudio neprihvatljive uslove za sve klinike koje se ozbiljno bave ovom problematikom" „ponudio svim klinikama uslove koji su znatno ispod svakog nivoa stvarnih potreba" napominje se da su svi „uslovi" vezani za provođenje javne nabavke , a koji se tiču zdravstvenih ustanova koje nude predmetne usloge BMPO, u potpunosti usklađeni sa pozitivnim propisima, gore navedenim, te ponavljamo da od 9 pozvanih zdravstvenih ustanova koje su verifikovane za pružanje usluga BMPO,a koje su preuzele tendersku dokumentaciju 2 zdravstvene ustanove koje su verifikovane za pružanje usluga BMPO nisu dostavile ponude, odnosno sa 7 zdravstvenih ustanova su zaključeni ugovori odnosno za iste su „uslovi bili prihvatljivi" te nisu osnovani odnosno ne mogu se prihvatiti kao tačni navodi da je ovaj Zavod „ponudio neprihvatljive uslove za sve klinike..."*

*U vezi sa navedenim napominje se da na osnovu člana 104.stav 1.alineja 7. Zakona o zdravstvenom osiguranju ("Službene novine Federacije BiH", br.30/97, 7/02, 70/08 , 48/11,*



36/18 i 61/22)Upravni odbor Zavoda zdravstvenog osiguranja i reosiguranja Federacije BiH donosi opšti akt o osnovama za utvrđivanje cijena sa cjenovnikom zdravstvenih usluga iz osnova obaveznog zdravstvenog osiguranja. Saglasno navedenom od strane Upravnog odbora Zavoda zdravstvenog osiguranja i reosiguranja Federacije BiH donesen je Cjenovnik zdravstvenih usluga koje se finansiraju sredstvima federalnog fonda solidarnosti te u kojem je preciziran naziv usluge, šifra usluge iz Tarife zdravstvenih usluga, te cijena zdravstvene usluge u KM te i u odnosu na zdravstvene usluge biomedicinski potpomognute oplodnje.U cijlu mogućeg revidiranja navedenih cijena zdravstvenih usluga biomedicinski potpomognute oplodnje od svih ovlaštenih zdravstvenih ustanova u Federaciji BiH, ovaj Zavod je, svojim Aktom broj:01/IV-06-1-4333-1/23 od 18.10.2023.godine, zatražio da dostave tražene podatke za novu kalkulaciju cijena ovih zdravstvenih usluga , a koja bi uticala i definisanje određenih uslova u novoj javnoj nabavki koja se bude trebala voditi u narednom periodu..

U odnosu na navode iz predmetne „Inicijative“ da je „Vrlo nerealno je očekivati da se pacijenticama ograničava izbor klinike u kojoj će raditi biomedicinski potpomognutu oplodnju“ „Naglašavam da sa trenutnim utroškom sredstava gdje se pacijenticama onemogućava izbor klinike za biomedicinski potpomognutu oplodnju“ *ponovno napominjemo da je Pravilnikom o obimu prava na biomedicinsku potpomognutu oplodnju ) i to članom 5.stav (1) precizirano je, između ostalog, da na osnovu izdate saglasnosti Federalnog zavoda bračni odnosno vanbračni parovi ostvaruju pravo na postupak BMPO u zdravstvenoj ustanovi koja ima važeće rješenje Federalnog ministarstva zdravstva na području Federacije BiH (ovlaštena zdravstvena ustanova)u skladu sa Zakonom i s kojom Zavod ima sklopljen ugovor za pružanje usluga BMPO, a stavom (2) je precizirano da bračni odnosno vanbračni parovi imaju pravo izbora ovlaštene ugovorne zdravstvene ustanove za obavljanje BMPO, a prema listi ovlaštenih ugovornih zdravstvenih ustanova koja se objavljuje na internet stranici Federalnog zavoda , o čemu prilažu izjavu koja čini sastavni dio obavezne dokumentacije iz člana 2. ovog Pravilnika. Saglasno navedenom,odnosno pozitivnim propisima se i postupa te bračni odnosno vanbračni parovi imaju pravo izbora ovlaštene ugovorne zdravstvene ustanove za obavljanje BMPO prilaganjem izjave koja čini sastavni dio obavezne dokumentacije te iz navedenog proizilazi se pacijentima, ne „ograničava izbor klinike u kojoj će raditi biomedicinski potpomognutu oplodnju“ kako je navedeno u predmetnoj „Inicijativi“.*

U odnosu na navode iz predmetne „Inicijative“ da je „na primjer u Kantonu Sarajevo ,tj. Kantonalnom zavodu zdravstvenog osiguranja Sarajevo bilo najbitnije da se dobije saglasnost nadležne Komisije da žena može pristupiti procesu biomedicinski potpomognute oplodnje, a novčani iznos je bio fiksna“ , *napominjemo da praksa postupanja kantonalnih zavoda, podrazumjeva se, nije izvor prava i takvo postupanje bi, u odnosu na postupanje ovog Zavoda, bilo u suprotnosti sa pozitivnim propisima odnosno eventualno takvo postupanje zahtjevalo bi prethodnu izmjenu propisa.*

U odnosu na navode iz predmetne „Inicijative“ „Naglašavam da sa trenutnim utroškom sredstava gdje se pacijenticama onemogućava izbor klinike za biomedicinski potpomognutu oplodnju, a one već imaju pohranjene embrione u klinikama koje nemaju ugovor sa Zavodom , a imaju pravo na refundaciju, daje prilika za tužbe, što je dodatni udar na budžet Federacije BiH.“ *već je navedeno da je saglasno odredbama Odluke o finansiranju/sufinansiranju troškova lijekova za stimulaciju ovulacije broj:02/I-01-1-2877/23 od 26.06.2023.godine Zavod donosio i donosi odgovarajuća rješenja saglasno odredbama odluke te da je u vezi zahtjeva za nadoknadu troškova liječenja iz sredstava budžeta Federacije BIH,za podnosiocce zahtjeva koji su liječeni biomedicinski potpomognutom oplodnjom bez saglasnosti Komisije za BMPO Federalnog zavoda, uputio prema Federalnom ministarstvu zdravstva gore navedene inicijative/prijedloge te i Prijedlog Pravilnika o izmjenama i dopunama Pravilnika o obimu*



prava na biomedicinski potpomognutu čijim bi se donošenjem omogućilo podnosiocima zahtjeva za refundaciju, za pružene zdravstvene usluge u vremenu nakon početka primjene pozitivnih propisa vezanih za BMPO ,a prije početka rada nadležnih Komisije za BMPO Federalnog zavoda , da ostvare ovo pravo, a uzimajući u obzir medicinsku potrebu za pruženom zdravstvenom uslugom BMPO u tom trenutku/vremenu, uzimajući u obzir ravnopravnost postupanja u odnosu na ostale pacijente kojima je plaćena ova usluga nakon dobijene saglasnosti , uzimajući u obzir da objektivno nije postojala njihova krivica u takvim slučajevima te obzirom i na procjenu da u odnosu na broj izjavljenih zahtjeva postoje osigurana sredstva za ove namjene. Dakle ovaj Zavod može postupati te i postupati poslovima refundacije samo u saglasnosti sa pozitivnim propisima te i će postupati i saglasno eventualnim izmjenama istih , koje su predložene u interesu pacijenata , a jedino takvo postupanje može biti jedan od garanta/uslova da će i eventualni postupci po tužbama biti odbijeni kao neosnovani.

U odnosu na navode iz predmetne „Inicijative“ „o obustavi trošenja novca građana Federacije BiH“ tj. obustavi trošenja „planiranih 10 miliona KM za biomedicinski potpomognutu oplodnju“ te prijedloga „nadležnom ministarstvu i Zavodu zdravstvenog osiguranja i reosiguranja Federacije BiH da ponište kriterije/smjernice za raspodjelu budžetskih sredstava i daju mogućnost svakoj korisnici na njeno PRAVO da izaberu kliniku u kojoj će raditi biomedicinski potpomognutu oplodnju, pa i u okolnostima da jedan dio i one same finansirajuali da se zadovolji SVRHA biomedicinski potpomognute oplodnje , a samim tim i i utroška sredstava budžetskih korisnika“ , prije svega se napominje da je ovaj Zavod dužan i postupa , kako je i ranije navedeno, saglasno, gore navedenim pozitivnim propisima. Sve dok su navedeni propisi na snazi ovaj Zavod je dužan, da u odnosu na odredbe, koji se odnose na nadležnosti i obaveze ovog Zavoda, postupa po istim.

Zavisno o kojem , gore navedenom propisu se radi, napominjemo da su isti donijeli Parlament Federacije BiH, Federalni ministar zdravstva, Vlada Federacije BiH, te i vezano za Zakon o javnim nabavkama Parlamentarna skupština BiH, a podzakonski akt odnosno Pravilnik o postupku dodjele ugovora o uslugama iz Aneksa II. Zakona o javnim nabavkama donijelo je Vijeće ministara BiH i svi gore navedeni su jedino nadležni za eventualne izmjene i dopune istih te i donošenje navedenih novih propisa.

U slučaju da se radi o propisu/propisima za koje je ovaj Zavod, saglasno odredbama Zakona o liječenju neplodnost biomedicinski potpomognutom oplodnjom, predlagač, (zajedno sa drugim predlagačem odnosno Komisijom za primjenu postupaka biomedicinski potpomognute oplodnje) potrebno je za njegovu moguću izmjenu odnosno izmjenu Pravilnika o biomedicinski potpomognutoj oplodnji, po našem mišljenju, a vezano za predložene izmjene u navedenoj inicijativi , ukoliko se naravno iste prihvate , prethodno pristupiti izmjenama Zakona o liječenju neplodnost biomedicinski potpomognutom oplodnjom, Zakona o javnim nabavkama sa podzakonskim aktom te eventualno izmjenama i drugih propisa. Tek po navedenim eventualnim izmjenama i ovaj Zavod bi mogao postupiti saglasno svojim nadležnostima kao predlagač te i kao i donosioc ranije navedenih podzakonskih akata, radi usklađivanja istih sa prethodno izvršenim eventualnim izmjenama propisa čije izmjene nisu u nadležnosti ovog Zavoda..

Takođe napominjemo da je Federalno ministarstvo zdravstva nadležno saglasno članu 20. Zakona o organizaciji uprave u Federaciji BiH („Službene novine Federacije BiH“, broj 35/05) za pripremu propisa te, saglasno navedenom članu ,organi uprave,, pa i Federalno ministarstvo zdravstva, ,, dužni su da u poslovima iz svoje nadležnosti, pripremaju zakone i druge propise kada o tome odluči organ zakonodavne ili izvršne vlasti , odnosno kada samostalno ocijene da je potrebno donijeti zakon ili drugi propis ili treba izvršiti izmjene i dopune zakona ili drugog propisa iz oblasti za koju su nadležni..”



Obzirom na navedeno, i saglasno ranije navedenim propisima, za postupanje po navedenoj inicijativi nadležni su, ovom trenutku, drugi gore navedeni nadležni organi koji bi eventualno, ako se to bude smatralo opravdanim, izmjenili/dopunili gore navedene propise, kako je gore detaljnije navedeno.

## VI

Iz gore navedenih prezentiranih činjenica, proizilazi da je Zavod zdravstvenog osiguranja i reosiguranja Federacije BiH, poduzimao i poduzima sve potrebne radnje vezane za implementaciju BMPO, u okviru pozitivnih propisa i svojih propisanih nadležnosti, a prvenstveno u interesu pacijenata koji koriste ove usluge.

Ovaj Zavod, ostaje, kao i do sada, na raspolaganju za davanje, saglasno pozitivnim propisima i na Vaše traženje i drugih potrebnih informacija koje se tiču implementacije BMPO kao i ostalih informacija iz njegove nadležnosti rada,.

S poštovanjem,


Dostaviti: 1. Naslovu

2. Vlada Federacije BiH  
Hamdije Čemerlića br.2  
71000 Sarajevo  
Tajnik Vlade

(Veza: Vaš broj: 03-04-1406-24/23  
od 06.12.2023.g) C.O.

3. Federalno ministarstvo zdravstva C.O.

4. a/a



DIREKTOR

Izv. prof. dr. sc. Vlatka Martinović, dr. med.